

遠一倍從遍淨天至無雲天復遠一倍從無

雲天至福生天復遠一倍從福生天至廣果

天復遠一倍從廣果天至無想天復遠一倍

從無想天至善現天復遠一倍從善現天至  
善見天復遠一倍從善見天至不煩天復遠  
一倍從不煩天至不燒天復遠一倍從不燒

天至阿迦尼吒天復遠一倍而說偈言

從阿迦尼吒至闍浮提地放大密石山

六萬至千年五百三十五中間若無礙  
方至於闍浮智度論云譬如從色界初  
際下一丈石經一萬八千三百八十三季方

至於地

### 法苑珠林卷第二

杜二

塵爲菟毫上塵七菟毫上塵爲一羊毛上塵  
七羊毛上塵爲一牛羊毛上塵七牛羊毛上塵成  
一嚮遊塵七嚮遊塵成一蟻七蟻成一虱七  
虱成一橫交七橫交成一指二十四指爲一  
肘四肘爲一弓去村五百弓爲一拘曇舍八  
拘曇舍名一由旬故說偈言

七塵成阿耨七耨成銅塵水菟牛毛塵  
皆從於七起

故論中即以此拘曇舍用量天身從四天王  
身乃至阿迦尼吒身故婆沙論云四天王身  
長一拘留舍四分之一若依正法念經說四  
天諸身其量脩短一同王身亦同如三十三天

### 法苑珠林卷第三

西明寺沙門釋道世撰

杜三

身量部第六

諸天之餘

建安等列

依雜心論云七極微塵成一阿耨池上塵彼  
是最細色天眼能見及菩薩輪王得見七阿  
耨塵爲銅上塵七銅上塵爲水上塵七水上

身長半拘留舍帝釋身長一拘留舍炎摩天  
 身長一拘留舍四分之三若言帝釋之身何  
經說以其過去偏脩恭敬業故得偏長也  
 燈率天身長一拘留舍與帝釋等化樂天身長一拘留舍及拘留舍  
 四分之一他化自在天身長一拘留舍半諸天身量如是第二色界身量者依毗曇論說梵衆  
譬如是第二色界身量者依毗曇論說梵衆  
 天身長半由延梵福樓天長一由延大梵天  
 長一由延半光天長二由延無量光天長四  
 由延光音天長八由延少淨天長十六由延  
 無量淨天長三十二由延遍淨天長六十四  
 由延福慶天長百二十五由延福生天長二  
 百五十由延廣果天長五百由延無想天亦  
 尔無怖望天長千由延無熱天長二千由延  
 善見天長四千由延善現天長八千由延色  
 究竟天長萬六千由延第三無色界無形不  
 可說據大乘亦有細色但經論略而不說

## 衣量部第七

問曰諸天衣服云何答曰如經說六欲界六

天中皆服天衣飛行自在看之似衣光色具  
 足不可以世間繒綵比之色界諸天衣服雖  
 號天衣衣如非衣其猶光明轉勝轉妙不可  
 名也如起世經云四天王身長半由旬衣長  
 一由旬闊半由旬重半兩三十三天身長一  
 由旬衣長二由旬闊一由旬重半兩夜摩天  
 身長二由旬衣長四由旬闊二由旬重半兩  
 四分之一燈率陀天身長四由旬衣長八由  
 旬闊四由旬重半兩八分之一化樂天身長  
 八由旬衣長十六由旬闊八由旬重半兩十  
 六分之一他化自在天身長十六由旬衣長  
 三十二由旬闊十六由旬重半兩三十二分  
 之一魔身諸天身長三十二由旬衣長六十  
 四由旬闊三十二由旬重半兩六十四分之  
 一自此已上諸天身量長短與衣正等無差  
 起世經云欲界諸天衣服種種莊嚴不可具  
 述然化樂他化二天所着衣服隨心大小輕  
 重亦尔色界諸天不着衣服如着不異頭雖

<sup>社</sup>住持卷二

無髮如似天冠無男女相形唯一種長阿含  
經云忉利天衣重六銖炎摩天衣重三銖兜  
率陀天衣重一銖半化樂天衣重一銖他化  
自在天衣重半銖順正理論云色界天衆於  
初生時身量周圍具如衣服

壽量部第八

依阿毗曇論云天壽量者如人間五十歲爲  
四天王天一日一夜即用此日月歲數四天  
王天壽命五百歲計人間日月九百萬歲即  
是等活地獄一日一夜如是日月歲數等活  
地獄壽五百歲計人間百歲爲三十三天一  
日一夜如是日月歲數三十三天壽千歲計

集林三

人間三億六十萬歲即是黑繩大地獄一日  
一夜如是日月歲數黑繩地獄壽千歲計人  
間二百歲爲炎摩天一日一夜如是日月歲  
數炎摩天壽二千歲計人間十四億四百萬  
歲即是衆合大地獄一日一夜如是日月歲  
數衆合大地獄壽二千歲計人間四百歲爲

兜率陀天一日一夜如是日月歲數兜率陀  
天壽四千歲計人間五十七億六百萬歲即  
是呼地獄一日一夜如是日月歲數呼地獄  
壽四千歲計人間八百歲爲化樂天一日一  
夜如是日月歲數化樂天壽八千歲計人間  
二百三十億萬歲即是大呼地獄一日一夜如  
是日月歲數大呼地獄壽八千歲計人間一  
千六百歲爲他化自在天一日一夜如是日  
月歲數他化自在天壽一萬六千歲計人間  
九百二十一億六百萬歲即是熱大地獄一  
日一夜如是日月歲數熱大地獄壽一萬六  
千歲計衆熱大地獄壽其半劫無擇大地獄  
壽一劫畜生趣極長壽亦一劫如地持龍餓  
鬼等極長壽五百歲第二計色界壽命者即  
用劫爲量初梵衆天壽命半劫梵福樓天壽  
一劫大梵天壽一劫半少光天四劫光音天  
八劫少淨天十六劫無量淨天三十二劫遍  
淨天六十四劫福慶天一百二十五劫福光

天二百五十劫廣果天五百劫無想天亦余無慚望天千劫無熱天二千劫善見天四千劫善現天八千劫色究竟天一萬六千劫第三計無色界天壽命者空處天二萬劫識處天四萬劫無所有處天六萬劫非想非非想處天八萬劫三界皆有中天唯齋單越及兜率天最後身菩薩及無想天皆定壽命不說中天餘有中天也順正理論此亦皆同然北俱盧人於人趣福力最强鈍根薄塵多諸快樂無攝受過死必上生餘同前說問曰此火劫起時上至初禪悉皆燒盡何故論云大梵天王得壽一劫半耶答曰此言一劫半者據積六

方  
卷三

十小劫爲一劫半不據大劫若據水火風大劫說者猶是一劫合成八个小劫小中尚少二十小劫與彼一劫半壽義不相違也云何知然如舊俱舍論名爲別劫立世阿毗曇論名爲小劫新俱舍論新婆沙論名爲中劫此三名別體唯是一時量共等如阿含經說謂

從人壽八萬四千歲百年減一年乃至十歲還從十歲復增至八萬四千歲一上一下爾許時分名一中劫量別同若依俱舍論說謂天地始終三災一運盡時始名大劫隨一水火風災要經八十中劫如以一中劫壞一中劫成十九中劫衆生次第住二十中劫正住十九中劫次第壞空此則一中劫隨逢一大水風壞器世界十九中劫隨逢飢病刀壞衆生世界以如斯義是故毗曇說如是言是處最後住是處最初空衆生最後住者謂是最下阿鼻地獄也是處最後空衆生最初住者其則不定若據大劫即是初禪若約水劫是其二禪若約風劫是其三禪以此而論是故一大劫中具彼六十中劫并空劫中二十別劫合有八个小劫始爲一大劫辯劫如是次顯無違今言初禪第一梵衆天壽命半劫者當知據彼一別劫中半劫二十中劫爲言第二梵輔天壽命一劫者所謂據彼一別劫四

五  
卷三

十中劫爲語第三大梵天壽命一劫半者當知據彼一別劫半六十中劫而說以如斯義故不相違也初禪如是二禪已上當知皆據三災大劫以明壽量不據中別劫也二禪之中第一少光天壽命二劫第二無量光天壽命四劫第三光音天壽命八劫若言水災既至二禪光音諸天何以得壽八大劫者應知於彼七火災後方有一水災起上及二禪是何以得壽八大劫也三禪之中第一少淨天壽命十六劫第二無量淨天壽命三十二劫第三遍淨天壽命六十四劫若言風災既至三禪何以遍淨諸天得壽六十四大劫者此亦應知彼六十三運水火災後方有一風災起是故遍淨得壽六十四劫云何知然此如毗曇中說於七火劫次第起後然有一水災起如是七七四十九火起時則有其一七水災合說即有五十六劫更復於此五十六劫之後復有七火劫起於此七火之後方有一

風災起壞及三禪并前即爲六十四劫以如斯義是故遍淨得壽六十四劫故彼毗曇說是偈言  
七火次第過然後一水災  
七七大水復七火後風

問曰此四無色天識處壽命既倍空處未知後之二天何故不倍前耶答曰如婆沙論中說有三論師俱釋此義第一說者謂彼空識二處各有無量行及餘皆捨一切入等行故壽命相倍空處以有無量行故得一萬劫壽餘行復得一萬劫壽是故合得二萬劫壽識處以有無量行故得二萬劫壽餘行復得二萬劫壽以此倍前故得四萬劫壽上地更無無量行故壽不倍一說如是第二師說者謂彼空識二處各有定慧二種行故壽命相倍定得一萬劫壽慧行復得一萬劫壽命故合得二萬劫壽識處定行得二萬劫壽慧行復得二萬劫壽以此倍前故得四萬劫壽上之二地但有定行而無慧行是故壽命不復相

倍二說如是第三師說者謂彼四無色處定壽報分各唯有其二萬劫壽由有離欲不離欲不離欲故是故壽命有倍不倍空處地中以其未離自地欲故是故但有二萬劫壽識處地中二萬劫者是其定壽由離空處欲故復得二萬劫以此倍前故得四萬劫壽無所

有處二萬劫者是其定壽由離空識二變欲故復四萬劫壽非想非非想地中二萬者是其定壽由離下之三地欲故復得六萬劫壽以如斯義是故非想非非想地中得其八萬劫壽三說如是義顯於斯也 ○ 住處部第九問曰諸天住處其義云何答曰如婆沙論說

天雖有三十二住處但有二十八重以彼四空絕離形報故無別處遍在欲色二界之中但隨欲色二界衆生成就四空無色衆者隨人衆說有色也其二十八重者謂須彌山根從地上升去地四千由旬遠山縱廣一萬由旬是堅手天於中止住復上升一倍統山八

千由旬是彼持花髮男天於中止住復上一倍  
繞山四千由旬是彼常放逸天於中止住復上一倍  
上一倍繞山四千由旬是彼日月星宿天於  
中止住復上一倍繞山四千由旬是彼四天  
王天於中止住其中由天王城聚落悉在其中復上  
升四萬由旬至湏弥山頂縱廣四萬由旬其  
中有喜見城縱廣一萬由旬面別有其千門  
三十三天於中止住即從此山升虛空四萬  
由旬有處如雲七寶所成其猶大地是炎摩  
天於中止住復上一倍有地如雲七寶所成  
是兜率陀天復上一倍有地如雲七寶所成是  
化樂天復上一倍有地如雲七寶所成是  
珠林三十六方

手於中止住守護諸天於山頂中有宮名善見面二千半周萬踰繕那金城量高一踰繕那半其地平坦亦真金所成俱用百一雜寶嚴飾地觸柔軟如妬羅綿於踐躡時隨足高下是天帝釋所都大城城有千門嚴飾壯麗門有五百青衣藥叉勇健端嚴長一踰繕那量各嚴鎧仗防守城門於其城中有殊勝殿種種妙寶具足莊嚴映蔽天宮故名殊勝面二千五十五踰繕那周千踰繕那是謂城中諸可愛事城外四面四苑莊嚴是彼諸天共遊戲處一衆車苑謂此苑中隨天福力種種車現二龕惡苑天欲戰時隨其所湏甲仗等現三雜林苑諸天入中所玩皆同俱生勝喜四喜林苑極妙欲塵雜類俱臻歷觀無厭如是四苑形皆異方一一一周千踰繕那量居各有一如意池面各五十踰繕那量八功德水彌滿其中隨欲四苑花鳥香林莊飾業果差別難可思議天福城外西南角有大善法堂三十三天時

集辯論制伏阿素洛等如法不如法事起世經云佛告比丘以何因緣諸天會處名善法堂三十三天集會坐時於中唯論微細善語深義稱量觀察皆是世間諸勝要法真實正理是以諸天稱爲善法堂又何因緣名波婁沙迦苑隨言三十三天王入已坐於賢及善

賢二石之上唯論世間麤惡不善戲謔之語是故稱波婁沙迦又何因緣名雜色車苑三十三天王入已坐於雜色善雜色二石之上唯論世間種種雜色相語言是故稱爲雜色車苑又何因緣名雜亂苑三十三天常以月八日十四日十五日放其宮內一切采女入此園中令興三十三天聚合雜嬉戲不生障隔恣其歡娛受天五欲具足功德遊行受樂是故諸天共稱此園爲雜亂苑又何因緣彼天有園名爲歡喜三十三天王入其中已坐於歡喜善歡喜二石之上心受歡喜復受極樂是故諸天共稱彼園以爲歡喜又何因緣

名波利夜怛邏拘毗陀羅樹彼樹下有天子住名曰末多日夜常以彼天種種五欲功德具足和合遊戲受樂是故諸天遂稱彼樹以爲波利夜怛邏拘毗陀羅樹○廣狹部第十問曰天量廣狹云何答曰如婆沙論說須彌山頂面別縱廣八萬四千由旬其中平可居

卷十三  
處但有四萬由旬炎摩天倍前四萬其地縱廣八萬由旬如是乃至他化自在天處次第倍前其地縱廣六十四萬由旬四禪之地廣狹不定有其兩說第一說者初禪廣如一四天下二禪如小千世界三禪如中千世界四禪廣如大千世界第二說者初禪如小千世

界二禪廣如中千世界三禪廣如大千世界第四禪地寬廣無邊不可說其分齊諸師評之是第二說

問曰初禪廣如小千世界乃至第四禪地廣無邊者未知於他大千之上爲當共有初禪梵天乃至共有色究竟天爲當於彼一一天下上各各別有初禪梵天乃至別有色究竟天耶答曰如樓炭經說一一四天下上各各別有皆悉不同故彼說云三千世界之中有百億四天下湧弥大海鐵圍四天王天乃至各說百億色究竟天此文斯顯無勞致惑又如順正理論云小者是卑下義以除上故如截角牛積小成餘亦非攝彼問曰既彼一一四天下上乃至各有色究竟天者是則處別可不相障礙耶答曰雖各有百億同居一處而不妨礙其猶光明迭相涉入相遍到亦無障礙彼亦如是以彼色細妙故經中說色界諸天下來聽法六十諸天共坐一鋒之端而不迫窄都不相礙以斯文驗何所致疑矣故義壁云初禪如鄉二禪如縣三禪如州四禪如國

莊節部第十一 如智度論云湧弥山高三百三十六萬里四寶所成東面黃金西面白銀南面琉璃北面頰梨四邊繞山半有遊乳陀山谷高四萬二千由旬四天王各居一山長阿含經云北面天金所成光照北方西面

水精所成光照西方東面天銀所成光照東方南面天琉璃所成光照南方智度論云四天王各居其城東方城名上賢南方城名善見西方城名周羅北方城有三一名可畏二名天敬三名衆歸又長阿含經云般遮翼白世尊言一時忉利諸天集善法堂有所講論時四天王隨其方面各當位坐提頭頰吒天王在東方坐其面西向帝釋在前毗樓勒叉天王在南方坐其面北向帝釋在前毗樓博叉天王在西方坐其面東向帝釋在前毗沙門天王在北方坐其面南向帝釋在前時四天王皆先坐已然後我坐又立世阿毗曇論

卷三 方

云如忉利天善見大城周圍四萬十千由旬純金爲城之所圍繞高十由旬城上脾脫高半由旬門高二由旬其外重門高一由旬半十由旬有一門城之四面爲千門樓是諸城門衆寶所成種種摩尼之所嚴飾於大城四分之一中央金城帝釋住處十二由旬

有二門四面四百九十九門復有一小門五百門是城形相亦衛四兵柵塹樹池雜林宮殿作唱伎樂及諸外戲種種寶莊不可具說是城中央寶樓重閣名皮禪延多樓長五百由旬廣二百五十由旬周迴一千五百由旬其閣四邊却敵寶樓東邊二十六所三面各三十五所凡一百一所一一却敵方二由旬周迴八由旬其却敵上復有寶樓高半由旬以爲觀望一一却敵有七女天一一女天有七采女樓閣之內有萬七百房室一一房內有七天女一天女采女亦七其天女者並是帝釋正妃其外却敵及內諸房凡四億九萬四千九百正妃三十四億六萬四千三百殊女妃及殊女合有三十九億五萬九千二百皮禪延多重閣最上當中央圓室廣三十由旬周迴九十由旬高四十五由旬是帝釋所住之處並是瑠璃所成衆寶廁墳又雜阿含經云帝釋宮中有毗閣延堂有百樓觀

珠共三

有七重重有七房房有七天后后各七侍女尊者大目捷連遊歷小千界無有如是堂觀端嚴如毗閣延堂者依起世經云其天宮城內雕飾受欲歡樂不可具說如是說如是處者釋提桓因與阿脩羅女舍脂共住帝釋化身與諸妃共住一切諸妃作是思惟帝釋與我共住真身與舍脂共住是其城內四邊住處衢巷市鄺並皆調直是諸天城隨其福德屋舍多少衆寶所成平正端直是天城路數有五百四陌相通行列分明皆如基道四門通達東西相見巷巷市鄺寶貨盈滿其中天上有其七市第一穀米市第二衣服市第三衆香市第四飲食市第五華鬢市第六工巧市第七嬌女市處處並有市官是諸市中天子天女往來貿易商量貴賤求索增減稱量斷數具市鄺法雖作是事以爲戲樂無取無與無我所心脫欲所須便可提去若樂相應隨意而取若不相應便作是言此物奇貴非

我所湏市中間路軟滑可受衆寶莊嚴懸諸天衣豎立幢幡音樂等聲恒無斷絕又有聲言善哉善來願食欲飲我今供養是善見大城帝釋住處復有天州天郡天縣天村周匝徧布<sub>自外諸天更寶華嚴香樂隨處</sub><sup>盈滿受報快樂不可錄盡矣</sup>善見大城北門之外經二十由旬有大園林名曰歡喜周廻一千由旬此中有池亦名歡喜方百由旬深亦如是天水盈滿四寶爲博壘其底岸城東門外有園名之惡口池亦同名城西門外有園名雜園池亦同名園池大小並同前說華果鳥林種種翔鳴綺飾莊嚴不可述盡奏請部第十二 如立世阿毗曇論云時帝釋將諸天衆欲園遊戲至善法堂諸天圍繞恭敬入園善法堂內最中柱邊有師子座帝釋昇座左右二邊各十六天王行列而坐其餘諸天隨其高下依次而坐時天帝釋有二太子一名栴檀二名脩毗羅是忉利天二大

將軍在三十三天左右而坐時提頭頰吒天王依東門坐共諸大臣及與軍衆恭敬諸天得入中坐時毗留勒义天王依南門坐共諸大臣及軍衆恭敬諸天得入中坐時毗留博又天王依西門坐時毗沙門天王依北門坐並如前得入中覲是四天王於善法堂世間善惡奏聞帝釋及忉利天時佛世尊說如是事是月八日四天王大臣遍行世間次第觀察當於今日若多若少受持八戒若多若少皆行布施若多若少修福德行若多若少恭敬父母沙門婆羅門家內尊長月十四日十五日亦如是若無多人受持八戒布施恭敬爾時四王往善法堂所諮詢帝釋說如是事是時諸天帝釋聞此事已生憂惱心說如是言是事非善非法家中諸天尊長諸天眷屬方應減損脩羅伴侶日向增多若受持八戒布施修福恭敬沙門尊長等四王詰問諸天帝釋心生歡喜說如是言是事甚善如法諸天眷屬日向

滋多脩羅伴侶稍就減少故引佛說祇夜偈言  
是四王大臣 八日巡天下 四天王太子  
十四觀世間 十五時最勝 四王好名聞  
故自行出間 與道法相應 觀察諸善惡  
伏暝能修道 善尊有多人 行施受布施  
得信甚歡喜 男女福增益 是時忉利天  
諸天樂眷屬 數數生隨喜 轉轉得增多  
日日就損減 隨憶念正覺 四天王善說  
諸天安樂住 心常生歡喜 穎修羅伴侶  
人道所能得 善於佛法僧 願修羅伴侶  
我今爲汝等 說三賢善道 法王說聖衆  
捨惡修行舍 心常生歡喜 世果出世果  
如諸忉利天 由少能獲多 住於三寶境  
大福德名聞 聚集善法堂 若人求真實  
男女善行者 行小善生天 清淨天所受  
重習遍諸天 四王所奏聞 清淨天所受

魔懷疾讐如石磨磨壞功德也縱廣六千由旬宮牆七重一切莊嚴猶如下天上來七天具有十法一飛來無限數二飛去無限數三去無礙四來無礙五天身無有皮膚體筋脉血肉六身無不淨大小便利七身無疲極八天女不產九天目不瞬十身隨意好青則青好黃則黃好餘色亦余又有十事一飛行無極二往還無極三天無盜賊四不相說身害惡五無有相侵六諸天齒等而通七髮紺青色澤長八赤八天人青色髮亦青色九欲得白者身即白色十欲得黑色身即黑色起世經亦云一切諸天有十別法何等爲十一諸天行時來去無邊二諸天行時來去無礙三諸天行時無有違疾四諸天行時足無蹤跡五諸天身力無患疲勞六諸天之身有形無影七一切諸天無大小便利八一切諸天淡噉九諸天之身清淨微妙無皮肉筋脈脂血髓骨十諸天之身欲現長短青黃赤白大小

龐細隨意悉能並皆美妙端嚴殊絕令人愛樂一切諸天有此十種不可思議又諸天身充實洪滿齒白方密髮青齊整柔軟潤澤身有光明及有神力騰虛飛遊眼視無瞬瓔珞自然衣無垢膩如順正理論云四天王衆昇見三十三天非三十三天昇見夜摩天等然見三十三天非三十三天昇見夜摩天等然  
方

彼若得定所發通一切皆能昇見於上或依他力昇見上天謂得神通及上天衆引接往見三十三天非三十三天昇見夜摩天等然  
方

彼隨其所應或上天來亦能見若上界地來向下時非下化身下眼不見非其境界故如不覺彼觸故上界地來向下時必化下身爲令下見地居天立世阿毗曇論云剡浮提人若離通力及因他功力不能見障外等色餘三洲人若離他功力則不能見障外等色六欲諸天若離神通及他功力於自處所不能通見障外之色若遠觀時唯見鐵圍山內不能見於山外之色大梵天王於自宮殿若離神通及他功力不能得見障外等色若遠觀

時唯見一千世界之內 身光部第十四

依智度論云諸天業報生身光者欲界諸天  
身常光明以燈燭明珠等施及持戒禪定等  
清淨故身常光明不須日月所照色界諸天  
行禪離欲修習火三昧故身常出妙光明勝  
於日月及欲界果報光明離欲天取要言之

是諸光明皆由心清淨故得若論釋佛常光  
明面各一丈諸天光明大者雖無量由旬於  
丈光邊蔽而不現又優婆夷淨行經云佛告毗  
舍佛建如來有六種光明何謂爲六一青光二  
黃光三赤光四白光五紅光六紫光光色照  
光明是名如來六種光明又長阿含經云佛告  
東方三  
諸比丘螢火之明不如燈燭之明燈燭之明  
不如炬火炬火之明不如積火積火之明不如  
如四天王四王宮殿衣服身光不如三十三  
天乃至展轉色究竟天光明不如自在天光  
明自在天光明不如佛光明從螢光明至佛  
光明合集爾所光明不如苦諦集諦滅諦道諦

光明是故諸比丘欲求光明者當求苦集滅  
道光明又人有七色云何爲七有人金色有人  
人白色有人青色有人黃色有人赤色有人白色有人  
黑色有諸天阿湏倫有七色亦復如是又立  
世阿毗曇論云閻浮提衆生色身種種不同  
東弗婆提西瞿耶尼人唯除黑色餘色同閻  
浮提人比鬱單越一切人民悉皆白淨四天  
王有四種色有紺有赤有黃有白一切欲界  
諸天色皆亦復如是云何諸天色有四種如  
初受生時若見紺華則紺色餘皆如是也

市易部第十五 依起世經云閻浮提人所  
有市易或以錢寶或以穀帛或以衆寶瞿陀  
尼人所有市易或以牛羊或摩尼寶弗婆提  
人所有市易或使財帛或以五穀或摩尼寶  
齕單越人無復市易所欲自然如起世經云  
欲界諸天如四天王天三十三天皆有市易  
遊觀悅神其實不同世人如前所述

婚禮部第十六 如起世經云餘三天下悉

有男女婚嫁之法。齋單越人無我我所樹枝若垂男女便合無復婚嫁諸龍金翅鳥阿修羅等皆有婚嫁男女法式略如人間六欲諸天及以魔天皆有嫁娶略說如前從此以上所有諸天不復婚嫁以無男女異故四天下人若行欲時二根相到流出不淨一切諸龍金翅鳥等若行欲時二根相到但出風氣即得暢適無有不淨三十三天行欲之時根到暢適亦出風氣如前龍鳥無異夜摩天執手成欲兜率陀天憶念成欲化樂天熟視成欲他化自在天共語成欲魔身諸天相看成欲並得暢適成其欲事又立世論云四天王天若索天女女家許已乃得迎接或貨或買欲界諸天亦復如是閻浮提人及餘三洲四天王天忉利天等要湏和合成欲夜摩天相抱為欲兜率天執手為欲化樂天共笑為欲他化天相視為欲西瞿耶尼人受諸欲樂兩倍勝於閻浮提人如是展轉乃至他化自在天受

卷三卷三十四方

欲兩倍勝於化樂天餘四洲人並有惡食者有胎長者四天王處諸女天等無有惡食無有胎長者亦不生兒亦不抱兒男女生時或於膝上或於眼處皆得生兒若於女處者天女作意此是我兒天男亦言此是我兒則唯一父一母若於父膝眠處生者唯有一父而一父一母若於父膝眠處生者唯有一父而諸妻妾皆得為母亦有修行至死無欲四天王天生欲事無量無數亦有修行至死無欲一切欲界諸天亦爾凡一切女人以觸為樂氣為樂又新婆沙論云引契經說劫初時人無男女根形相不異後食地味男女根生由此便有男女相異色界離段食故無此二根有說男女二根欲界有用非於色界是故彼無鼻舌二根欲界有用非於色界是故彼色界天衆為女為男答應作是說彼皆是男雖無男根而有餘丈夫相又能離染故說男也飲食部第十七 如起世經云一切衆生有

朱著三十一方

四種食以資諸大得自住持何等爲四一龕段及微細食二觸食三意思食四識食何等衆生應食龕段及微細食如閻浮提人等飯麺豆肉等名爲龕段食按摩潔浴拭膏等名爲微細食自外三洲下人及六欲諸天等並以龕微細爲食自此已上色界無色天並以禪悅法喜爲食無復龕段微細食也問曰何等衆生以觸爲食答曰一切卵生得身故以觸爲食何等衆生以思爲食若有衆生意思資潤諸根增長如魚鼈蛇蝦蟆伽羅瞿陀等及餘衆生以意思潤益諸根壽命者此等皆用思爲食何等衆生以識爲食所謂地獄衆生及無邊識處天等皆用識持以爲其食四天王天並食湏陀味朝食一撮暮食一撮食入體已轉成身是湏陀味園林池苑並自然生是湏陀味亦能化作佉陀摩尼等八種飲食一切欲界諸天食亦如是色界諸天從初禪乃至遍淨以喜爲食無色界已上諸天以

意業爲食問曰諸天飲食云何答曰如經說云欲界諸天隨其貴賤好惡不同其福厚者隨其所思無不具足飲則甘露盈杯食則百味俱至其福薄者雖有飲食恒不稱心以不足故猶下食來故經云譬如諸天共寶器食隨其福德飯色有異上者見白中者見黃下者見赤色界諸天以禪悅爲味若以四食言之唯有觸食法也

僕乘部第十八

問曰諸天僕乘云何答曰如經說云如欲界六天有僕乘僕謂僕從乘謂騎乘以六欲天皆有君臣妻妾尊卑上下卑必從尊下必隨上乘者以六欲天皆有雜類畜生諸天欲遊隨意乘之或乘象馬或乘孔雀或乘諸龍若依婆沙論說忉利天已下具有象馬鳬鴈鴛鴦孔雀龍等自炎摩天已上悉無象馬四足衆生唯有駒放逸鳥實語鳥赤水鳥等訶責諸天誠不放逸問曰若無象馬四足衆生彼天欲遊何所乘耶答曰即如論說還自釋言

杜

朱  
卷三  
十六

雖無象馬諸天欲出以福力故即有象馬隨心化起任意所乘乘竟化滅此教放逸鳥等遍在六欲天皆悉有之常與諸天爲師呵責放逸不唯炎摩已上偏獨有也問曰此鳥既是畜生何得與天爲師答如正法念經說此鳥本爲人時於三天下教化之師諸天本是所化衆生由信受化故布施持戒今得生天其鳥本爲師時爲名利故破戒其心不實今作天鳥然由教化微善力故今得生天由本化師故與諸天爲師若見諸天放逸即來訶責諸天見聞各生慚愧改不放逸

眷屬部第十九

問曰諸天眷屬多少云何答曰如論云色界諸天不可說甚多謂彼諸天非男非女無相配生則化起死還化滅依正兩報宮殿自隨以禪定爲樂不可說其眷屬多少也欲界

諸天則有男女相配故大吉義況經云護世四王典領四方提頭賴吒天王領乾闥婆衆毗留博叉天王領空槃茶衆毗留勒叉天

王領諸龍衆毗沙門天王領夜叉衆此之四王各有九十一子姿貌端正有大威力皆有名號提桓因典領四維大梵天王典領上方又智度論云一切山河樹木土地城郭一切鬼神皆屬四天王管故皆隨從共來是諸鬼神中有不得般若經卷者故來至般若波羅蜜處供養礼拜亦爲利益其忉利天已上眷屬轉多不可具說數也如忉利天已下眷屬多者如帝釋具有九十億那由他天女并有千子又有諸臣無量共爲眷屬故經偈云帝釋普應諸天女

昧休二

十七

方

九十二億那由他天女各自謂言天王獨與我娛樂乃至少者猶有一萬天女以爲眷屬更不減此也

貴賤部第二十  
問曰諸天貴賤云何答初欲界六天皆有貴賤以有君臣民庶妻妾別故如帝釋天中帝釋爲君三十二天爲臣自餘天衆是民女中

悅意夫人是后諸餘天女是妾自餘五天類皆如此色界之中唯局初禪三天有貴有賤

大梵天是君梵輔是臣梵衆是民自此已上  
諸天受報同更無貴賤也

貧富部第二十一 問曰諸天貧富云何答  
曰如正法念經說如炎摩天已上乃盡色界

諸天貧富皆等忉利天已下報有厚薄貧富  
之別其福厚者一切具足果報有餘其薄福  
者雖有衣服七寶宮殿食常不足故彼經說  
曾有薄福諸天以患飢故下來至此闇浮人  
中摘酸棗而食人見形殊遂恠問之彼則答

言我非是人我薄福諸天雖有宮殿上妙衣

服食常不足故來於此摘棗食之汝不須

憚廣如經說前修戒忍  
等然不行施

送終部第二十二 如四天王天乃至阿迦

左吒天眷屬死不送不燒不棄不埋如光焰

沒無有屍骸以化生故四天王天自然令他  
殺死不食肉忉利諸天亦然夜摩天上至阿

迦尼吒天不自殺生亦不令他殺死不食肉  
以化生故死無遺質也頌曰

三界擾擾 六道茫茫 徒還不已 受苦未殃  
報纏敦逼 楚痛分張 寂由惡業 感此危亡  
焉知溺水 詎識舟航 基累重擔 未翥翔翔  
願出穢土 遊息淨方 一念歸正 十八 萬壽無疆

### 法苑珠林卷第三

杜三

蠻虱

上居止反  
下所乙反

積

古猛反

鎧

反

迭

徒結反

窄

作格反  
迫也

脾脫

上更詣反下五  
計反合作脾脫

柵

斬

上楚革反  
也下七

豔

反

堅木立

也下七  
豔反河也

廊直

連筋脉

上訖銀反

鼈

并列反

蝦

墓上遐音

墓下麻音

也下七  
豔反河也

音

杯

博該反

禹兜

智敬書

### 法苑珠林卷第四

杜四

大唐上都西明寺沙門釋道世字玄憲撰

日月篇第三

此有一  
十三部

陳文刻

述意部 星宿部 日宮部 月宮部

寒暑部 照用部 壽盈部 畏雲部